

# Leiðsögn - félag leiðsögumanna

## Aðalfundur 12. apríl 2018

### Tillögur um breytingar á lögum Leiðsagnar á aðalfundi 2018

(Breytingar feitletraðar. Brottfeldur texti er strikaður á gráum grunni, nýr texti feitletraður)

#### 1. gr. Nafn

Félagið heitir Leiðsögn - ~~Félag stéttarfélag~~ leiðsögumanna.

Félagssvæði þess er allt landið og heimili þess og varnarþing er í Reykjavík.

Félagið er aðili að Alþýðusambandi Íslands.

#### 3. gr. Félagsaðild

Rétt til aðildar að Leiðsögn eiga;

a. allir sem starfa að leiðsögn, fararstjórn og hópstjórn í ferðapjónustu á Íslandi eða á vegum íslenskra fyrirtækja erlendis

b. greiða félagsgjöld til félagsins í samræmi við lög þess.

c. og standa ekki í óbættum sökum við félagið eða önnur stéttarfélög innan Alþýðusambands Íslands.

Félagsmenn, sem missa starf sitt á vinnumarkaði, geta áfram verið félagsmenn gegn greiðslu félagsgjalds af greiðslum úr Atvinnuleysistryggingasjóði sem sjóðurinn hefur milligöngu um að skila til félagsins.

Félagar, sem látið hafa af störfum við leiðsögn, geta verið áfram félagsmenn **og átt aðild að fagdeildum félagsins** gegn greiðslu lágmarksfélagsgjalds skv. 6. gr. þó án þess að njóta kjörgengis í félaginu eða atkvæðisréttar um kjarasamninga. Skulu þeir hafa verið félagsmenn óslitið í 3 ár áður en þeir láta af leiðsögustörfum.

Réttindi félagsmanna samkvæmt 2. og 3. mgr. í sjóðum félagsins eru háð nánari reglum einstakra sjóða Leiðsagnar.

#### 18. gr. Fræðslu- og skólanefnd

Innan félagsins starfar fræðslu- og skólanefnd skipuð fimm félagsmönnum **kosnum til tveggja ára í senn**, hún kýs sér formann á sínum fyrsta fundi.

~~Nefndin skal kosin á aðalfundi félagsins til tveggja ára.~~ Hlutverk ~~hennar~~ nefndarinnar er að **vinna að stefnumótun í menntunarmálum leiðsögumanna**, annast fræðslustarf félagsins fyrir leiðsögumenn og að annast samstarf við skóla sem kenna leiðsögn ferðamanna, koma álitum leiðsögumanna á menntunarmálum til skila og vera tengiliður milli félagsins og skólanna. Nefndin efnir til fræðslufunda og námskeiða og birtir fræðslufni og hagnýtar upplýsingar á heimasíðu félagsins.

Nefndin skipar fulltrúa úr sínum röðum í ráðgjafa- og/eða skólanefnd ofangreindra skóla, eftir því sem óskað er. Hún starfar í nánú samstarfi við stjórn Leiðsagnar og skilar stjórn yfirliti yfir starf sitt svo oft sem þurfa þykir en að lágmarki einu sinni að vetri og einu sinni að vori.

**Ákvæði til bráðabirgða: Fyrst skal kosið skv. grein þessari á aðalfundi 2019 og skulu þá kosnir tveir fulltrúar til eins árs og þrír til tveggja ára.**

#### 21. gr. Aðalfundur

Aðalfundur félagsins skal haldinn á tímabilinu 1. mars til 1. maí ár hvert. Aðalfundur skal boðaður með dagskrá á vefsíðu félagsins með a.m.k. einnar viku fyrirvara. Til fundarins skal jafnframt boðað með tölvupósti ~~en bréflaga~~ til þeirra sem ~~ekki~~ hafa gefið upp netfang og er hann lögmætur ef löglega er til hans boðað.

Á hverjum aðalfundi skal liggja frammi endurskoðuð félagaskrá og skrá yfir féлага einstakra fagdeilda. Félagaskrá skal vera fjölrituð eða prentuð.

Stjórn félagsins skal auglýsa frest til framboðs í trúnaðarstöður **og fyrir tillögur til lagabreytinga** einum mánuði fyrir aðalfund ár hvert.

Framboðsfrestur skal vera minnst 7 sólarhringar fyrir aðalfund og skal tillögum skilað til skrifstofu Leiðsagnar innan þess tíma. Framboð verði send út með fundarboði aðalfundar eigi síðar en einni viku fyrir aðalfund. Kjósa skal stjórn og trúnaðarmannaráð á aðalfundi. Stjórn skiptir með sér verkum á fyrsta fundi eftir aðalfund. Heimilt er þó hverjum félagsmanni að koma með breytingartillögur um féлага í einstakar trúnaðarstöður eða koma fram með nýja heildartillögu um skipan féлага í trúnaðarstöður næsta kjörtímabil. Breytingartillögu skal fylgja skrifleg heimild frá þeim, sem stungið er upp á.

#### 29. gr. Lagabreytingar

Lögum þessum má aðeins breyta á aðalfundi félagsins enda hafi breytinganna verið getið í fundarboði.  
Tillögur um lagabreytingar skulu hafa borist til skrifstofu félagsins fyrir 15 **febrúar** dögum fyrir aðalfund og skulu þær sérstaklega kynntar á heimasíðu félagsins og fylgja aðalfundarboði.